

- प्रधानमंत्री नरेंद्र मोदी होंरें लोकसभा च राष्ट्रपति हुंदे अभिभाषण लेई धन्नवाद प्रस्ताव पर परते दित्ते।
- सरकार कृषि खेत्तर च बेजाबित्तिगिएं गी नेई करोग बर्दाश्त-आखेआ केंद्री मंत्री शिवराज सिंह चौहान होंरें।
- इलेक्ट्रानिक्स ते सूचना प्रौद्योगिकी मंत्री अश्विनी वैष्णव होंरें दस्सेआ जे देसै नै पिछले 10एं बरें च मोबाइल ते इलेक्ट्रानिक्स उत्पादन च बड़ी मती तरक्की कीती ऐ।
- केंद्री गृह मंत्री होंरें इक उच्चि सतह दी मीटिंग च जम्मू-कश्मीर दी सुरक्षा स्थिति दा लेया जायजा।
- कल दिल्ली च 70 सदस्यें आहली असैम्बली गित्तै वोट पोआए जाने ना। सब्बै तैयारियां मुकम्मल।
- मुम्बई ओपन टेनिस 2025 तैहत खेड्डे जा'रदे मैचें च अंकिता रैणा प्री-क्वार्टर फाइनल च पुज्जी गेइयां ना।

<><><><><><>

### PM Lok Sabha Thanks

प्रधानमंत्री नरेंद्र मोदी होंरें अज्ज लोकसभा च संसद दी संयुक्त बैठक च राष्ट्रपति हुंदे अभिभाषण पर धन्नवाद प्रस्ताव पर चर्चा दा परता दिंदे होई आखेआ जे उंदी सरकार नै गरीब लोकें दे कल्याण लेई केई कदम पुट्टे न जेदे करी 25 करोड़ लोक गरीबी थमां उप्पर उठे ना। उनें आखेआ जे एहू सरकार दी प्रतिबद्धता, समर्पण ते सख्त मेहनत करी गै संभव होई सकेआ ऐ। उनें आखेआ जे सरकार, राजकोषीय सूझ-बूझ दी पालमा करदे होई तरक्की लेई कम्म करा'रदी ऐ। राष्ट्रपति हुंदे अभिभाषण दी सराहना करदे होई प्रधानमंत्री होंरें आखेआ जे एहू प्रेरणा देने आहला ऐ ते एहूदे नै सरकार आसेआ विकसित भारत लेई कीती जा रदिएं कोशिशें गी बल थ्होआ रदा ऐ। प्रधानमंत्री होंरें आखेआ जे गरीबें गी चार करोड़ घर दित्ते गेन ते देश भरै च 12 करोड़ शौचालय बनाए गेन जेदे ने करोड़ें लोकें खासकरी महिलाएं दा जीवन सखल्ला होआ ऐ। उनें आखेआ जे जल जीवन मिशन तैहत गरीब लोकें गी 12 करोड़ थमां मते नलकें आहले पानी कनेक्शन दित्ते गेन जेदे नै दूषित पानी कन्नै फैलने आहलियां बमारियां घट्ट होइयां ना। उनें आखेआ जे उन्दे कार्यकाल च पूंजीगत खर्चे अखराजातें लेई बजटीय बण्ड च भारी बाद्दा होआ ऐ ते इसी बधाइयै 11 लकख 21 ज्हार करोड़ रुपे थमां बद्द करी दित्ता गेआ ऐ। उनें आखेआ जे सरकार नै शासन च पारदर्शिता आंदी ऐ जेदे नतीजें च करोड़ें रुपें दी बचत होई ऐ। उनें आखेआ जे लाहकारिएं दी पंदान दे कन्नै 3 लकख करोड़ रुपें दी बचत होई ऐ। उनें आखेआ मध्यम वर्ग गी प्रोत्साहित करने लेई बकख-बकख कदम पुट्टे गेदे न जेदे कन्नै पिछले 10एं बरें च मती बचत होई ऐ। उनें आखेआ जे हाल च गै सरकार नै 12 लकख रुपें तक्कर दी टैक्स छूट दी घोषणा कीती ऐ जेडा मध्यम वर्ग दे माली हालात गी मजबूत करने आहली भेठा इक बड्डा कदम ऐ।

## Shivraj-LS

केंद्री कृषि मंत्री शिवराज सिंह चौहान होरें भ्रष्टाचार खिलाफ सख्त कार्यवाई दा भरोसा दिंदे होई आखेआ जे सरकार बेजाब्तगिएं गी बर्दाश्त नेई करोग। उंदी एहू टिप्पणी अज्ज लोकसभा च प्रश्नकाल दौरान आई जिसलै राश्ट्रवादी कम्युनिस्ट पार्टी नेता सुप्रिया सुले नै महाराश्ट्र दे राईबाई मैहकमे च 5 ज्हार करोड रुपें दे भ्रष्टाचार दा आरोप लाया। सुले नै इस घोटाले दे बारे च महाराश्ट्र दे इक मंत्री ते इक विधायक आसेआ दित्ते गेदे बयानें दा हवाला दित्ता। चौहान होरें लोकसभा च चर्चा दौरान आखेआ जे एहू पैहली बारी ऐ, जदूं ओहू एहूदे बारै च सुना रदे ना। उनें अग्गे आखेआ जे एहूदे बारै च हाल दी घडी कोई जानकारी नेई ऐ, पर जेकर कोई अनियमितता पाई जंदी ऐ तां एहूदी जांच जरूर होग ते दोषिएं खलाफ सख्त कार्रवाई कीती जाग। इक दुए सोआलै दे परते च चौहान होरें केंद्र आसेआ प्रायोजित प्रधानमंत्री फसल बीमा योजना दी प्रगति पर लोहू पाई। उनें आखेआ जे 23एं राज्यें ते केंद्र शासित प्रदेशें इस योजना गी अपनाया ऐ जिस्सलै के दुए राज्यें अपनिएं योजनाएं गी जारी रक्खे दा ऐ। प्रधानमंत्री फसल बीमा योजना फसलै दी रड थमां पैहलें शा फसलै दी कटाई तकर करसानें दी फसल दा व्यापक बीमा योजना ऐ जेडी करसानें गी कुदरती करोपियें ते जोखिमें थमां बचांदी ऐ।

<><><><><><>

## Loksabha Startups

सरकार नै आखेआ ऐ जेउद्योग संवर्धन ते आंतरिक बपार विभाग आसेआ मान्यता प्राप्त स्टार्ट अप्स दी संख्या पिछले बरे दे खीरा तक्कर इक्क लक्ख 57 ज्हार थमां बढ़ होई गई ऐ। वाणिज्य ते उद्योग मंत्री जितिन प्रसाद होरें अज्ज लोकसभा च इक लिखित परते च एहू जानकारी दिंदे होई आखेआ जे सरकार नै 2016 च स्टार्ट अप इंडिया दी शुरूआत कीती ही ते एहूदे प्रभाव कार्यान्वयन आस्तै कई जरूरी कदम पुट्टे गो। इक्क होर सोआलै दे जवाब दे श्री प्रसाद होरें दस्सेया जे निर्यात प्रोत्साहन कन्नै सरबंधित गतिविधियें गी देश दे ज्यादातर हिस्सें च शुरू करने दे उद्देश्यें कन्नै 590 जिलें आस्तै जिला निर्यात कार्य योजनां तैयार कीतियां गेदियां ना।

<><><><><><>

## Vishnav Mobile

भारत नै पिछले दस बरें च मोबाइल ते इलेक्ट्रानिकी विनिर्माण दे खेत्तर च बडी मती प्रगति कीती ऐ। इलेक्ट्रानिकी ते सूचना प्रौद्योगिकी मंत्री अश्विनी वैष्णव होरें सोशल मीडिया पर इक्क पोस्ट च आखेआ जे देश च साल 2014 च छडी दो मोबाइल विनिर्माण इकाइयां हियां जदके अज्ज त्रै सौ थमां बढ़ इकाइयां ना। श्री वैष्णव होरें आखेआ जे मोबाइल फोन विनिर्माण दा मूल्ल वित्त बरा 2014 दे 18 ज्हार 900 करोड रुपें थमां बढ़ियै वित्त बरा 2024 च 4 लक्ख 22 ज्हार करोड रुपे होई गेआ ऐ। मंत्री होरें आखेआ जे भारत च पिछले इक्क दशक च मोबाइल फोन विनिर्माण दे खेत्तर च 12 लक्ख प्रतक्ख ते अप्रतक्ख नौकरियां पैदा होइयां ना। श्री वैष्णव होरें दस्सेआ जे मेक इन इंडिया पहल आत्मनिर्भरता ते उत्पादन गी बढ़ावा देआ'रदी ऐ ते एहूदे कन्नै रोजगार पैदा होआ'रदे ना।

<><><><><><>

## HM-Security





## Delhi-Elections

कल दिल्ली दी 70 सदस्यीय असेंबली लेई वोट पोआए जाने ना। मतदान प्रक्रिया गी बेहतर तरीके नै तोड़ चाढ़ने लेई सब्बै बंदोबस्त करी लैते गेदे ना। चुनाव आयोग नै असेंबली चुनावं लेई 1 लक्ख 80 ज्हार अमला तैनात कीते दा ऐ। अज्ज नमीं दिल्ली च मीडिया आहलें कन्नै गल्ल करदे होई क्राइम ब्रांच दे विशेष आयुक्त देवेश चंद्र रीवास्तव होरें दस्सेआ जे चुनाव आयोग दे दिशा-निदेशें मूजब व्यापक प्रबंध कीते गेदे ना।



## Sakina Cancer Day

विश्व कैंसर दिवस दे सरबंघै च आयोजित इक कांफ्रेंस च सेहत मंत्री सकीना इत्तू होरें आखेआ जे सरकार कैंसर खिलाफ लड़ाई ते जम्मू-कश्मीर च बेहतर सेहत सुविधां उपलब्ध करोआने लेई बचनबद्ध ऐ। जम्मू च आयोजित कांफ्रेंस च उनें इस बारै जागरूकता पैदा करने, बमारी दा तौले पता लाने ते इलाज सरबंधी सहूलतें पर जोर पाया। उनें कैंसर खिलाफ लड़ाई च सब्बनें दे सांझे जत्तें पर लौऽ पाई।



## Watershed-Yatra

पानी दे टिकाऊ प्रबंधन बक्खी इक महत्वपूर्ण गैहू दे तौरा पर भारत सरकार, इक वाटर शेड यात्रा दी शुरूआत करने जा'रदी ऐ जेदा मकसद प्रधानमंत्री कृषि, सिंचाई योजना दे दुए गेड तैहत मुल्ख भरै च बड्डे पैमाने पर जागरूकता पैदा करना ऐ। इस अभियान दी शुरूआत कल कीती जाग, राष्ट्रीय स्तर पर राईबाई ते ग्रामीण विकास मंत्री शिवराज सिंह चौहान होर एहदी शुरूआत करंगन जेदा जम्मू-कश्मीर सने समूलचे मुल्खै च वर्चुअल प्रसारण बी कीता जाग। जम्मू-कश्मीर च एहदा कन्नोकन्नी उद्घाटन इत्थूं दे ग्रामीण विकास मंत्री जावेद अहमद डार होर करंगन। जागरूकता ते प्रचार लेई इक वाटर शेड जात्तरा वैन चलाई जाग जेड़ी भलेआं अज्जै-कल्लै दे डिजिटल उपकरणें कन्नै लैस हाग ते समूलचे जम्मू-कश्मीर च 2 ज्हार 400 किलोमीटर दा सफर तैह करदे होई घट्टोघट्ट 5 लक्ख लोकें तगर पुज्जोग, उन्दे कन्नै गलबात करोग, कार्जशालाएं दा सरिस्ता करोग। समुदायिक गतिविधिएं दा आयोजन करियै लोकें गी दिलचस्प ढंगे नै जागरूक बनाया जाग। एहू अभियान पैहली मार्च 2025 गी जम्मू च खत्म होग। इस दौरान जल संरक्षण, मिट्टी दे नरोएपन ते बरखा दे पानी गी जमा करियै रखने बारै बी जागरूकता फैलाई जाग।



## Badhaal-Development

राजौरी जिले दे बडहाल ग्रांऽ थवां रहस्यमयी बमारी कन्नै प्रभावित किश लोक, जेड़े जीएमसी राजौरी च भर्थी हे, उंदी तबीयत च सुधार होने मगरा जनरल वार्ड च शिफ्ट करी दित्ता गेआ ऐ। जीएमसी

राजौरी दे सुप्रिंटेडेंट डॉ. शमीम अहमद होरें मरीजें दी तबीयत च बेहतरी दी पुष्टि कीती ऐ। उनें आखेआ जे त्रौणें मरीजें दी हालत हुन स्थिर ऐ ते ओह ठीक होआ'रदे न।

<><><><><><>

### Weather

जम्मू-कश्मीर च 5 फरवरी यानि कल तक्कर दरम्याने दर्जे दी ताजा बर्फबारी होने दी मेद ऐ। मौसम मैहकमे नै आखेआ ऐ जे अज्ज आमतौरा पर बद्दल छाए रौहने दी मेद ऐ जेदे कन्नै कई खेत्तरें च होली शा दरम्यानी दर्जे दी बरखा ते बर्फबारी होने दी मेद ऐ। चिनाब घाटी दी उप्परली धारें च हल्की बर्फबारी होई सकदी ऐ। मैहकमे नै दस्सेआ ऐ जे जम्मू दे मैदानी इलाकें च हल्की बरखा पेई सकदी ऐ। मौसम मैहकमे मूजब मौसम च कल दपैहरी दे बाद सुधार होई सकदा ऐ ते 9 फरवरी तगर दी रातीं तगर एहदे खुशक रौहने दी मेद ऐ।

<><><><><><>

### Mumbai-Open

मुम्बई ओपन टेनिस 2025 च भारत दी अंकिता रैना हमवतन वैष्णवी अडकर गी 6-2, 6-2 कन्नै हराइयै महिला सिंगल्स दे प्री क्वार्टर फाइनल च पुज्जी गई ऐ। प्री क्वार्टर फाइनल च कल उंदा सामना कनाडा दी रेबेका मैरिनो कन्नै होग।

<><><><><><>